


1542

Sebija Izetbegović

Zastupnica u Skupštini Kantona Sarajevo

Bosna i Hercegovina
Federacija Bosne i Hercegovine
Kanton Sarajevo
Skupština Kantona Sarajevo



n/r Predsjedavajućeg Skupštine Kantona Sarajevo

Uputiti: Ministarstvu finansija Kantona Sarajevo i Ministarstvu za nauku, visoko obrazovanje i mlade Kantona Sarajevo

PREDMET: Kašnjenje u izvršavanju obaveza prema visokoškolskim ustanovama i ugrožavanje nastavnog procesa

Poštovani,

U skladu sa Poslovnikom Skupštine Kantona Sarajevo, a imajući u vidu javno dostupne informacije i ozbiljne indicije o nepostojanju kontinuiteta u izvršavanju finansijskih obaveza prema članicama Univerziteta u Sarajevu, upućujem sljedeća zastupnička pitanja.

Prema dostupnim informacijama, značajan broj faktura budžetskih korisnika iz oblasti visokog obrazovanja nije izmiren u zakonskim rokovima, što direktno utiče na funkcionisanje fakulteta, realizaciju nastavnog procesa i međunarodnih projekata.

I. UKUPNA DUGOVANJA I KAŠNENJA

1. Koliki je ukupan iznos neizmirenih obaveza prema svim članicama Univerziteta u Sarajevu za 2025. i 2026. godinu.
2. Koliki je ukupan broj neplaćenih faktura po fakultetima.
3. Koliki je prosječan period kašnjenja u plaćanju obaveza.
4. Posebno molim da se dostave podaci zbirno za sve članice Univerziteta u Sarajevu.

II. DETALJAN PREGLED OBAVEZA PO FAKULTETIMA

Detaljan pregled neizmirenih obaveza po fakultetima, uključujući:

- iznos ukupnog duga,
- broj faktura,
- vrstu obaveza (nabavka opreme, materijala, IT opreme, komunalni troškovi i sl.),
- datum prijema faktura i rok dospijeća,
- broj dana kašnjenja u plaćanju.

III. MEDICINSKA GRUPACIJA I FUNKCIONISANJE NASTAVE

1. Koliki je iznos neizmirenih obaveza prema fakultetima Medicinske/zdravstvene grupacije.
2. Kako će se osigurati nabavka reagensa za patohistologiju, imajući u vidu da su iste ugovorene kao usluga za potrebe KCUS-a.
3. Kako će se realizovati praktična nastava na fakultetima medicinske grupacije ukoliko se ne mogu nabaviti i platiti neophodni materijali.

4. Da li postoji rizik prekida ili smanjenja kvaliteta nastavnog procesa zbog neizmirenih obaveza.

IV. ODGOVORNOST I PLAN RJEŠAVANJA

1. Koji su razlozi za neizvršavanje obaveza u zakonskim rokovima.
2. Da li je uzrok ovakvog stanja nedostatak sredstava u Budžetu Kantona Sarajevo.
3. Ko snosi odgovornost za nastalu situaciju.
4. Koji je plan i dinamika izmirenja svih zaostalih obaveza prema fakultetima.

ZAKLJUČAK

Neizmirivanje obaveza prema visokoškolskim ustanovama ne predstavlja samo finansijski problem, već direktno ugrožava kvalitet obrazovanja, realizaciju međunarodnih projekata i osnovno funkcionisanje fakulteta.

Posebno zabrinjava činjenica da se sredstva predviđena za konkretne projekte ne izvršavaju ili se koriste nenamjenski, čime se dovodi u pitanje kredibilitet institucija Kantona Sarajevo i njihova sposobnost da upravljaju javnim sredstvima.

Ukoliko se ovakva praksa nastavi, posljedice će biti dugoročne i direktno će se odraziti na obrazovni sistem, studente i međunarodnu reputaciju Univerziteta u Sarajevu.

Očekujem da nadležne institucije dostave jasan, precizan i dokumentovan odgovor, sa kompletnim finansijskim pokazateljima i planom rješavanja nastale situacije.

S poštovanjem,

Sebija Izetbegović

Zastupnik u Skupštini Kantona Sarajevo

